

仿

潛

齋

詩

鈔

仿潛齋詩鈔卷三

課餘集

光州

李嘉樂

憲之

書室

儒生弱管百無能骨相封侯竟莫憑  
半夜吟窗風雪急劍光寒逼讀書鐙

哭梅卿兄

君身正年少撒手忽長行  
雛小麻衣短家貧木槨輕  
養親知有恨辭世太無情  
漢水曾同楊風花噩夢驚  
慟絕銘旌字書名尚布衣  
彼天憐客死先日得生歸  
身後家誰託軍中願竟違  
北風兩行淚空向九泉揮

丁巳元旦

今日非遊子慈闈一暢然江山開戰蹟鄉里厄凶年世  
亂書生賤春回草木鮮洪都親舍遠何處滯歸鞭

授嘉賓弟讀勉之以詩

休戀嬉游緩下帷青春速過白駒馳人生得讀書爲福  
年少須求善可師不定性情先養正無多才氣戒矜奇  
明窗淨几韶華永莫負尼山志學時

偶成

塵世難逢笑口開偶然適意且徘徊史編對我古今變  
春夜懷人風雨來豈有兵書能撥亂果無時命不須才

茫茫天海情安寄半付吟臺半酒杯

春雪

竟日風寒春釀雪小窗紙朗夜敲詩不須更說豐年瑞  
便助吟情亦鬪奇

擒匪張樂行圍固始縣光州戒嚴予以鄉佃二十  
人守南城東門者匝月

僻鄉從未覩兵災忽報黃巾壓境來東蓼閉關騰殺氣  
北門掌管愧粗材嬰城再振從軍膽養寇誰容釀禍胎  
橫槩賦詩人莫笑徑思轉戰霸王臺

固始解圍吳季眉外舅家燬於賊率眷來卜居賦

贈草坪慶五內兄弟

劫灰飛盡畫堂塵又卜新居結近鄰難得閒關終脫難

可憐門戶互依人

予從軍前主君家者兩月

千戈催賦無家別貧賤

銷磨有用身痛憶去年曾煮粥不逢地下女嫠親

亡婦病革

慶五爲料

理身後事

莫亡婦墓歸有作

病裏哀呼欲返鄉兩家人聚汝先亡他年縱有營齋俸

難向黃泉慰斷腸

香銷畫閣淚頻流死別經年憶未休午夜吟魂和細雨

梧桐一滴一聲愁

聞九江克復道路已通 家大人歸期可速喜賦  
豺狼當道九江關五載游蹤隔往還頃刻帆檣通楚岸  
從容杖履訪廬山淩波客共閒鷗渡伏莽痕隨亂草刪  
望裏白雲飛漸近不須尋路備嘗艱

家大人歸自江右值捻氛逼近卽日攜眷避往汝  
甯子仍留辦城防事

纔慶還家好嚴裝忽夜馳萑苻防竊發桑梓痛生離覆  
轍驚心處荒郊瑣尾時賸予孤影在慷慨鎮危疑

得家書知眷抵汝郡城亦可危復遷往汴梁矣

客裏還爲客真教突不黔雪泥無定向烽火若相尋下

邑蒼頭少高堂白髮侵梁園開府地武備總深沈

守陣

守陣人倦靜無喧仗劍閒行獨倚垣  
瑟瑟涼風吹面過  
幾竿旌旆響翩翻

弓刀小隊始經營來自田閒抱血誠  
有日鍊成心志壹  
賊休想撼岳家兵

四郊多壘炤熊熊逼近關前備夜攻  
點綴軍容奇絕處  
兩城萬炬一齊紅

思量無計滅狂徒劫火焚餘野雁呼  
留我三重茅底臥  
又將刺股讀陰符

病馬吟

我馬病兮病未已醫之不愈亦不死精神頹靡氣弗驕  
垂頭戢耳晚涼裏憶昔重價購之來洗刷摩娑意良喜  
芻豆飼爾日三升鞍韉望爾途千里況是遠征指顧閒  
省親大梁行且止眼前山水鞭一揮耳後風沙聲四起  
奈何無以報主知欲用爾時病至此吁嗟板蕩識忠良  
亦有草茅伸知己此馬擬人於其倫備位庸臣不才子  
馬杏逸老人著文昌化傳奇爲題二律

迷津何處覓慈航逸叟新開翰墨場十五萬言窺變化  
二千餘載紀文昌筆端有典堪徵信世上無情恐易忘



料得此編剛脫稿中宵仙筆吐光芒

雪香雲煖隱高賢塵市中尋物外緣

杏逸榜臥室日雪香雲煖

自有

才華工說法斷無孝友不成仙常情誰果甘心惡季世  
還憑苦口憐遙望寸園松竹茂久將交誼託忘年

題黃竹樵孝廉

籍先詩冊

手把新編眼界舒量才卻愧我難如詩臻妙境終傳世  
天付窮愁爲著書金榜爭鈔文字貴山城漸老謫仙居  
葭蒼露白盈盈水詎料奇人近里閭

名場一蹶誤通材好色風詩有自來末路且歌將進酒  
世人誰識不羈才禰衡作賦增狂態杜牧尋春起暮哀

吟遍淦陽好雲物舊遊同憶雪花堆

孝廉遊磁州日子  
侍先祖曲周尉署

和陳徵紱太學

麟 見贈原韻

申息雲山鼓角哀騷壇應向此邦開

徵紱家信陽寓  
息縣避亂來弋梁

無玳瑁誇精舍網有珊瑚覓異才投契性情聯筆硯傳

家文字豔蓬萊

令叔爲湘  
浦內翰

談詩正少同心侶恰喜高人

質廡來

居停於家  
子貞兄宅

酒國春長意自舒君饒奇福問誰如高堂萱茂斑衣舞

佳句蘭薰繡閣書

尊闈  
女史工詩

每爲苔岑憐我輩羞將裘

馬耀新居最難門內尋真樂從不狂游累倚閭

感事三十首用鐵琴山人歲暮抒懷原韻

劫灰飛降蕊珠宮十載生靈慟斷蓬盜弄潢池昏澤國  
兵疑草木撼山風募丁玉塞威徒壯洗甲銀河願尙空  
獻策何人長太息塵寰半已化沙蟲

誰能成竹早羅胸詩賦同仇性戒慵世事雲浮蒼狗幻  
豪情星射白狼鋒平蠻宴未開元夜入蔡功應建暮冬  
引領專征諸將帥休將恩寵詔鳴鐘

棘門抵掌語紛咙迥異雞談對小窗撥亂最難臣有十  
追亡未遇士無雙金甌待補戈空枕玉斗堪持劍不撞  
底事賊氛今轉甚艨艟聲勢壓長江

干戈何日靖邊夷猶望豐年瑞獻芝身價詎憑貂尾重

頭銜終向虎牙疑星羅陣爲相持計露布文從未戰知  
大地陸沈誰執咎那能袖手怨天時

一隅守令亦雄飛亂世專權豈慎微貪得任貽牛後誚  
殺降但說馬前非衙齋焚燬同流寓鄉里彫零乍解圍  
藉口遠防城屢棄乘時翻得賜衣緋

溝瀆餘生望澤初詢民疾苦孰停車捐輸催急填私橐  
案牘偷閒習戰書鎮日威名誇猛虎零星事故做懸魚  
才優百里猶難得何況南陽覓草廬

失業田園半就蕪時聞徭役取錙銖野無青草兵如篋  
鄰有黃粱米似珠化杏二南慚作吏戰經三北脅爲奴

流離纔悟幽風樂剛到瓜期又斷壺

是誰月抹復風批恩跡書傭讀照蔡世乏孫陽工相馬  
志如祖逖喜聞雞精心謀略承黃石扼腕科名悵紫泥  
著就龍韜還自晦千人策在不曾攜

亦聞幕府巧安排其奈依劉念每乖草野心難耽紫綬  
山林氣易厭青鞋大都俯首趨帷幄小試揚眉立砌堦  
延攬英賢原急務千旌誰訪水之涯

錚錚巾幗挽風顏金石心真死不灰絕命有詞題館壁  
守貞無憾寄泉臺頭顱權讓邀功去骨格偏爭歷劫來  
此日闡揚難避責姓名可惜沒蒿萊

推原明察失與薪禍熾金田亦有因鑄鐵錯成官諱盜  
揭竿術詡賊通神地危白刃求生我天縱紅巾許殺人  
試向桂林論罪首萑苻初起尙憂貧

惡運橫開慘不分三湘鼙鼓九州聞髮長寇盜矜雄武  
氣短英豪守例文對岸貔貅營背水登陴狼狽陣翻雲  
洞庭一夜秋波險半渡誰將戰艦焚

鄂王城下戍軍屯深穴雷轟地裂痕更少祭風塵赤壁  
偏多止水了朱門挾嫌悍卒饒私鬪免患遺民弔僅存  
黃鵠磯頭刁斗急可憐流毒遍江村

漢濱雄鎮聚奇觀樓上樓高久奠安賊過燎成焦土熱

民居拆付爨煙寒掠歸輜重飛千鷁遁走車輕響八鸞  
餘唾拾來廝養喜搜羅雜稅幾曾寬

庸材機失九江關怪事書空恨莫刪虎出柙中添有翼  
騅奔垓下歎無顏破將名郡全難報徵到援軍半不還  
猶幸洪都能固守落霞孤鶩卻清閒

王氣金陵語僞傳堅城竊踞極精專巖居避難同山賊  
嵎負稱雄異水仙師老漸忘憂抱杞寇淫各擁步生蓮  
頻年坐鎮軍門力醉向沙場放膽眠

財賦東南舊富饒皖公山色倏魂銷呼庚難望碑傳口  
棄甲猶餘劍佩腰力少輸將瞻屋止計非得已聽梁跳

烏烏畫角吹深夜遺韻幾如乞食簫

守固睢陽尙解嘲懷州巡堞柝頻敲地隣紫塞承強俗  
賊渡黃河怯幻泡孰展經綸屏宋衛幸留倉廩據敖鄯  
目前亦有昇平樂靖掃烽烟證邸抄

齊魯兵爭氣最豪高唐歌調歇彈璫馬騰冀北紆籌苦  
豕混遼東鑕餉勞士解沈舟如伐晉帥能運甓儼逢陶  
長安一例膚功奏瞻顧時艱目已蒿

天津橋上凱詩哦狂寇徒憑黨羽多下坂鹽車堅壁壘  
外藩鐵騎障山河涓埃恩共酬黃雀郊野閒猶牧紫駝  
執戟諸郎須努力旌旗燕趙舊經過



黔南地僻閤烟霞燭亂三苗又響笳撫字失宜烏合陣  
諭文招禍賊含沙兵添百病多蒙瘴政釀千瘡幾落茄  
鉅鹿險中真得計置郵不少戰功誇

擘留回紇列衣裳血歃滇池酒盃香激變官危巢幕燕  
乘機寇類觸藩羊孥罹重罪愁沈水民快私仇喜戰場  
爲問昆明豪俠輩汾陽單騎讓誰忙

毫穎狼烽誤耨耕中州銅馬倍無情生人樂敢期聯袂  
死士悲猶戀結纓需索毛錐求館穀招安羽檄少杯羹  
渡河擊楫誰同志迅把機槍一掃清

礮火專精震耳聽勢憂猾夏涕常零盟寒白馬千尋水

劫落紅羊五丈星  
浪子籌邊才莫展  
波臣助虐夢難醒  
粵東長吏危朝露  
軒冕徒勞案牘形

閩中寇燄劍生稜  
保障全憑氣勢增  
出沒奇兵乘曉霧  
戰爭危事懷春冰  
城完百雉軍仍壯  
帳挂千牛士盡升  
聞說名臣能控制  
官箴此際益糾繩

慘淡妖氛鬧未休  
瘡痍入目總窮愁  
臥薪身孰追於越  
支木頭還觸不周  
福地何須談避世  
憂天豈爲話封侯  
輕刀快馬書生慣  
那羨班駟擁列騶

燕臺馬骨冷黃金  
細柳秋風迹又沈  
對壘並無嘗膽漢  
孤城或有爨骸深  
從軍樂果憑誰賦  
失路悲宜向我吟

目擊國殤能仗節驚惶唳鶴愧如今

樹立如何負學庵忠臣肉說古來甘酸心軍餉糜千萬  
苦口兵書注十三勲建諸生緣重任勢瀆九死莫輕談  
干戈滿地摧全局謀遠須教傑士參

軍書旁午水犀添憂世捫心味不甜翠羽叨榮稠錫予  
黃頭作氣示威嚴小山招隱詩瓢擲大樹論功酒盞拈  
痛絕閭閻焚掠後尙聞議賑廣恩沾

風塵閱盡志超凡惆悵窮途淚涇衫胯下遭逢依短劍  
胸中磊塊刻長錢蒼黎彫喪嗟關塞朱紫尊榮詠石巖  
指點燕然碑屹立銘功可署散人銜

戊午元旦

竹林竟夕興飛騰親舍平明喜色增

侍家大人度除夕  
昂軒小川兩叔來

夜話骨肉未歸春已到

母及全眷  
仍在汴梁科名易得命難憑十千

酒價杯浮螳九萬雲程海化鵬不願書叢老斯世封侯  
敢說力猶能

從鄭慕韓先生

葵學

竟與人師遇將裁小子狂賢書周禮職經學鄭公鄉簡

策搜三篋淵源溯一堂兩科今並設濟世賴才良

本年秋闈

並補行  
乙卯科

方友石師至光州旋返固始李鶴帥營幕賦贈

故園兵燹夕陽殘天未懷人一劍寒戈馬舊緣歸夢幻  
師生新聚雜悲歡從遊翻羨無家別成事纔知有志難  
握手暮春風雨裏那堪立雪雁行單

梅卿兄  
已下世

日記重繙別後遊挑鐙讀罷涕橫流英雄路到青樓盡  
江漢詩分紫塞秋奔走無聊三尺劍治安有策一扁舟  
笑談且幸離情釋不挽征鞭也暫留

三年三度唱驪歌馬首東來恨事多人寶墨書留弋嶂

小住數日  
求書者多

天教文筆滌淮波相逢難定今生否此別無

如異地何指點河梁珍重語莫將擊楫志銷磨

髮匪久攻固始不下官軍擊走之喜賦

髮賊凶饒何縱橫紅巾一過無堅城箇中狗盜最狡黠

自南而北矜眼明

賊首陳玉成  
人稱四眼狗

中州門戶固始縣犍尖

踢倒何重輕那知危城有人在八十餘日忍飢爭七縱  
七擒威未布九攻九守法已精賊視彈丸若無物擄糧  
往往空壁行援軍乘之風雨驟殺千餘賊賊始驚大呼  
進軍奪其壘守者翻憑館穀生自昔兵機不可測迎刃  
破竹功卽成窮寇返奔覓巢穴江南行看亦蕩平

昂軒小川兩叔同時入泮

青衿總向一家榮朝夕相依倍暢情更有比鄰南阮富

居然珠樹欲齊名

述之叔  
亦入泮

赴汴梁應鄉試

遙聞市駿策金臺射策今生第一回  
詞賦未工風氣變  
游梁空自憶鄒枚

小商河遇驟雨仍還旅店宿焉

翻盆大雨忽淋漓暫息征輪倦莫支  
不爲高堂盼金帖  
黃梁夢醒已多時

抵汴寓

萱樹別年餘驚心訊起居飛黃途浩渺  
頽白影蕭疏祿  
養知難緩狂名喜漸除  
藍鹽米細慈母手親儲

試畢偕昂軒小川少舫諸叔子貞兄買棹南歸

賈魯河邊路，扁舟去不停。帆穿蘆渚白，鐙透柳橋青。骨

肉離還合，乾坤醉未醒。長星隨柁尾，占驗孰通靈。

時夢星連

夕見西北

### 張市舟中遇雨

黃葉蕭蕭鬪晚秋，孤篷臥聽雨聲稠。誰知夢裏還家路，南向光州北汴州。

### 扶溝夜泊

傍晚扶溝縣，輕舟泊野隄。酒帘拖雨重，秋柳壓烟低。村落紛成市，河流窄似溪。鄉關知路近，再聽汝南雞。

### 還家卽事



下第聲先到里中文章何事哭秋風三生未種科名草  
一戰難收翰墨功試院幸逃紅帛勒神山遙望白雲空  
薦卷出姚司馬門下塵寰那便知音少仍是陽春曲欠工

家大人赴汴迎春歸里

孤城未逐劫灰飛又挈全家緩緩歸百里固陵烽撤堞  
兩年梁苑雪飄衣異鄉路遠親猶健同爨人多歲恐饑  
愧我無能供祿米讀書鐙影傍慈幃

喜方友石先生至

棘闈戰北秋還老蘭棹江南師又來著作慣隨山水變  
琴書喜脫虎狼災

皖兵潰師繞道江南來光

牀聯風雪詩懷壯夢繞

關河鼓角催轉恨乘桴遲負笈吟毫未寫雨花臺

潢橋晚眺

雲腳低連水樹頭高出城虹隨涼雨散鳥掠晚煙平暮  
景秋相似詩懷畫不成帆檣誰共泊短笛一聲聲

和曾少華

珏

茂才見贈原韻

家學如君少詩名自此傳詞源流倒注筆陣戰無前祠

廟雙題句

向題固陵鄂王廟壁觀  
少華和章時尚未識面

匡居屢問天阿成才

卓犖得意更裁箋

令侄子  
鶴工詩

蓼東遊釣處陳跡未全非世事催磨劍交情愧解衣小

山招隱久大地賞音稀漫作沈淪感談心又落暉

秋日郊行

攜伴芳郊外行行憩野亭  
朝暾藏霧白秋草雜秧青  
路認村頭樹風鳴寺角鈴  
酒旗低挂處何事獨爲醒

東周俊臣

春暄

茂才

吟窗一夜風兼雨  
棖觸懷人百感生  
蓼國賞心秋水淡  
皖山極目夜烽明  
亂離誰賦哀鴻集  
慷慨宜歌猛虎行  
莫向霜晨作歸計  
他年尺素悵遙情

春江怨

春江水繞神仙里  
年年生長如花女  
新詩誰賦好迷章  
弄玉終當嫁簫史  
家世侯門海樣深  
求凰塵市少知音

花晨月夕添清趣一幅詩箋一曲琴翠閣金閨意良足  
蕙質蘭心人不俗未采桑時且繡花佳詠爭傳美如玉  
阿娘鍾愛掌中珠親教蛾眉讀異書七寶凝妝同伴妬  
雙鉤微步侍兒扶攬鏡自憐姿態好綠窗夜靜紅樓曉  
戲拈斑管寫鴛鴦居處無郎姑尚小天生佳麗春復秋  
何事高堂不相攸廿八韶華虛擲後倚欄人瘦落花愁  
有客憐才兼好色鸞膠欲續求傾國人寰不信降雲英  
更獻詩篇親粉澤聞說讀詩有贊詞仙山西望彩雲遲  
待將靦面青盧日同看揮毫黃絹辭翰墨因緣原有定  
情深難訴菱花鏡迢迢兩載泮水期幾見並頭蓮入詠

青鳥飛後青蠅飛憑空折散咎將歸癡情未識嬋娟意  
魂夢依然繞繡幃俊眼多情母偏誤餘生拌棄空門路  
猛持金翦翦青絲青絲不斷翦將去眉蹙黛斂淚成灰  
儂詩讀罷幾徘徊祇今藕斷絲連處誰更移花接木來  
羨煞靈心爛藻翰詩緣欲繫風流線頻年寤寐寄遙情  
仙境回頭都似幻吁嗟乎第一仙人許狀頭文簫曾伴  
彩鸞遊傷心只爲知書史苦負青春不自由風塵落拓  
重知已知已還在香閨裏奈何喚罷雙明珠感激青衫  
淚如洗心香非慕貌羞花謝絕紛紛鳳女家卿更知心  
難自主甘將梵筴了生涯恨他風雨春江惡斷送韶華

花欲落雨細風斜雁影忙銀河衝散填橋鵲傳聞軼事  
恨難窮翠羽曾無彩鳳通春色迢迢江水闊雙拋紅豆  
哭秋風

贈李子坦

孟平

茂才

忠孝傳家學更優高材肯羨五陵遊年逾舞勺交名士

夢卜生花署醉侯

著有醉石山房詩草

竿濫門牆慚射虎蓬飄江

漢憶浮鷗

前在漢陽令兄鶴人方伯幕中

歸來未減丹鉛興倡和輸君

第一流

東曾子鶴布衣

詞客欣聯百里緣霏霏香雪小春天歐陽晝荻同芳軌

子固能詩正少年

君詩學得自母教  
著有香雪軒詞鈔

紀恨君愁花事減

論交我慕竹林賢  
天沮莫更增悲感  
待看馳名寶劍篇

送子鶴還固陵

蓋仁傾時袂已分  
能無別淚寄江雲  
烽烟路斷還歸里  
文字緣慳又送君  
紅豆拋殘前度影  
綺梅引起隔年芬  
何堪更憶春宵景  
說劍談詩迴不羣

題友石師春夢詞後

媧石何曾補恨天  
明珠墜水玉沈煙  
英雄淚盡春無色  
姊妹花開夢有緣  
寓意大都憐國士  
鍾情原不碍真仙  
一般紅豆相思味  
又弔湖湘戰伐年

仿友石師集中香草閒吟體

息媯

三載朱唇總未開  
傷心獻舞釀兵災  
千秋國破家亡慘  
尙看桃花帶笑來

虞姬

樽前伏劍了青春  
不負英雄不負身  
酒罷歌闌休灑淚  
偷生鼎下更何人

明妃

彷彿齊廷女嫁吳  
敢將入侍望匈奴  
後宮不少丹青手  
誰畫邊疆益地圖



文君

凌雲氣概冠簪纓回憶長貧孰賞音只有蛾眉是知己  
不嫌滌器聽彈琴

文姬

笳拍琴絃絕好辭生平豈望老瞞知孔融囚禁楊修死  
偏使憐才贖蔡姬

木蘭

張弓走馬健兒妝東閣歸來粉又香不是尙書辭職易  
經綸怕比織機忙

綠珠

金谷園中富貴殊，恩慙常憶勝明珠。  
墜樓殉主尋常事，卻愧清談士大夫。

紅拂

傾倒寒儒傲鉅公，虬髯深服女英雄。  
六花陣法開唐代，應有嬋娟內助功。

登文昌閣

暮色蒼然遠閒情，獨倚欄煙棲鴉影。  
瘦水掠雁聲酸劍，氣輕離恨詩懷耐。  
歲寒中原陸沈日，誰更據征鞍。

和子坦見贈原韻

丈夫自負才調好，那甘埋沒隨百草。  
蝸廬俯仰天地窄。

酒雖名帚愁難掃叩關俘至雪霽時遺我詩句意奚爲  
銅琶鐵板氣逾壯漫效淵明守東籬君家紀功竹帛頻  
英雄報國仗儒巾龍韜事業斬新日豈止文章能勝人  
近時世溺如溺嫂勢難手援爲誰道倒提湛盧風雨鳴  
競取江山作詩料可憐蘇季敝貂裘王粲賦成更登樓  
莽莽乾坤一長嘯局促轅駒豈自由江湖萬里行不得  
唱酬詩酒皆休裂請君彈鋏再高歌頭上催詩雲又黑

送鄭秋浦師解館還羅山

心傾高座談經日夢冷秋風入幕時聊可賦閒還苦學  
何堪送別是名師驪歌衰柳花飛雪雁唳寒雲葉滿墀

此去明知相會易實城山水繫人思

記從侍坐暮春天化雨沾濡近一年才拙步趨欣點石

情聯倡和促裁箋瞻韓價定青萍劍說項心關錦瑟絃

師爲執柯未就百事感恩頻雪涕那同結納染塵緣

大匠門原少棄材受知人况荷栽培聲華盡屏欽高節

學養求深黜霸才師留別句才大更須增學識名高或恐誤聲華語可書紳常

服習勢難負笈遠追陪征輪何事歸期速淚灑寒梅萼

未開

琴書北去擅風流馬踏春花掃別愁定長文章千古價

肯因詩酒數旬留何人歲暮吟兼夢只我家居醉放謳

可許他年詞館坐共燒紅燭話前遊

賀友人新婚

笙管新吹引鳳詞繡幃低護好花枝羨君稟有霜毫健  
草檄歸來更畫眉

情縈絲竹近中年春色遲遲締舊緣張緒風流頻顧影  
那知簫史是神仙

嬋娟芳姓系齊姜玉煖冬宵漏倍長天與才人加豔福  
梅花香裏賦催妝

舊有吟懷鎮日耽彩箋揮灑妙清談讀詩莫讀新婚別  
花底鴛鴦夢正酣

和友石師哀江南八首

石頭秋色倚蒼冥羽檄關山勢不停  
龍虎岸摧芳殿冷鯨鯢浪擁大江腥  
秣陵落日憐初閃瓊樹飛花夢未醒  
正好勤王裾斷絕幽居誰伴草堂靈

王氣鍾山事渺茫吳宮花草亦荒唐  
一帆風利樓船遠隔渚沙沈鐵鎖涼  
螭陛何須誇錦座羊車還自闢新妝  
傷心天塹難憑險如此風濤枉自量

浮江龍化氣難侔苻氏投鞭願未酬  
別墅棋猶支半壁新亭淚足壯千秋  
雞聲北埭淒金粉駒影南朝話冕旒  
豈止西州門外路蒼蒼搖落萬松楸

王謝繁華轉盼過齊梁國勢恨如何佛靈可救臺城厄  
花散空傳玉樹歌紫禁無愁蓮步步青山有恨石峨峨  
軍書不斷堆牀滿誰枕深宵帳內戈

夢醒南唐興不豪香孩兒竟著黃袍車如流水春遊徧  
楊肯容人夜臥高月冷戰場空照血風淒詞曲尙揮毫  
官娘芳躅何從覓浩渺煙波首自搔

燕子磯頭燕子箋江山翰墨總堪憐調和藩鎮他無策  
選勝梨園自有權將相從來多水火君王畢竟愛嬋娟  
桃花扇底春光煖了卻風流夢裏緣

題詩誰上鳳凰臺痛哭名城又劫灰疊玉山容狐鼠竄

落星樽向虎狼開空教拔劍憂懷甚不見降旛拂面來  
一自紅羊歸白下八公草木有餘哀

擊楫憑誰靖寇氛江東烽火日紛紛世無宏景山中相  
人笑深源壁上軍歌舞歡場寒水月戰爭邊塞起風雲  
傷今弔古愁何限聊託哀吟對夕曛

醉後放歌酬周贊臣見贈之作並簡令弟浚臣

男兒生不能騁雄談取卿相竹帛千秋著隆望又不能  
挽強弓射虎兕馬上從容拾青紫便當左挹浮邱袖右  
拍洪厓肩朝登玉闕行得得夕遊蓬島來翩翩奈何身  
不貴兮名不傳奇骨姍姍復不仙此身未知著何處儒



冠之腐腐可憐筆底幾行詩花閒一壺酒清味世莫知  
真形吾何有閒吟冷醉拙生涯亦忘夫孰爲摘豔薰香  
孰爲賣漿屠狗但覺酒國詩壇而外無良友周子遺我  
句神韻獨清新恍若飲醇醪交道尤堪親君家昆弟皆  
磊落性情學閒出天真憶昔題襟漢上初相遇君賦從  
戎我歸去遂令金戈鐵馬場未尋煮酒談詩趣祇今君  
居城北我城南酒意醺騰詩興酣行樂地何弗樂得閒  
時且自閒吾將與子賞心風塵外訂交杵臼閒而不知  
古今富貴神仙何以獨重於人寰

送子坦赴皖營

酒樓狂醉市酣歌底事青年感慨多  
緩帶預儲東國望高軒屢共北風過  
兵荒行路真難絕歲晚教人奈別何  
爲料淝津深雪裏錦囊妙句紫騮馱

寄曾少華

君抱千秋想儂深十日思詩如花豔  
極盟愛歲寒遲兄弟工書畫江山苦  
亂離翀天高鳥志何處覓枝棲

贈周亮臣少尉

君亦書生輩飄然事遠遊最憐家近  
寇難仗酒銷愁風雪詩懷健關河戰  
馬稠相期同擊楫夜半劍光浮

東陳徵紱

劍氣詩懷兩未馴  
蕭齋不耐雨風頻  
東坡落拓猶情種  
記得方山是故人

己未元旦

凌雲意氣三千丈  
流水光陰廿七年  
敢信此生能得志  
更從何地覓飛仙  
干戈劫冷回春色  
文字緣深避野禪  
卻憶昨宵祭詩處  
便如島佛亦堪傳

催妝詞爲曾子鶴作

雪立同門久訂盟  
詩壇旗鼓亦相迎  
羨君穠李夭桃日  
更向瑯環福地行

莫向河梁惱別離  
有人對鏡數佳期  
漁郎一棹隨春去

笑看花開正滿枝

家傳獼髓豔時妝  
祀寵文成齒頰香  
養得石麟須預賀  
頭銜應許署中郎

識字仙人解語花  
與君佐讀更宜家  
儂還有婦相隣近  
許否同來拜絳紗

寄懷方果齋

士毅

孝廉

孝廉船去別愁侵  
邂逅梁園舊賞音  
儘愛論文推領袖  
卻因讀禮滯泥金  
蟬聯誼重親兼友  
螭屈情宜醉共吟  
何日追隨應受益  
固陵風雨望中深

送族姪寶華之汲縣

并序

寶華乃梅卿兄嗣生三歲而孤余與梅卿棄筆  
於漢陽戎幕友愛日深梅卿病篤時未明言託  
孤而意似屬余寶華將隨其外祖鄭君之汲縣  
學博任偕母以行孤兒遠去相會何年別涕頻  
揮烏能自己冀其他日力學克繼令名作詩勉  
之

輪蹄北去冒春寒雛燕無巢影更單兄弟關情生死隔  
千戈滿地別離難母能課讀成應易我念孤貧愧未安  
何日征途來視汝黃河風浪夜漫漫

雨夜感懷效山谷體

風斜雨細春宵寒  
茶冷香銷春夢殘  
師友聚談日猶少  
烽煙旋繞心寡歡  
未知何地可安樂  
空有斷編堪剖鑽  
百集憂懷孰相喻  
枕邊長鋏休輕彈

送吳慶五

艾生之清浦

狼烽徹夜照潢州  
君仗青年尙遠遊  
作客難除貧士例  
衰親況動故園愁  
談心竟夕能憐我  
屈指歸期莫待秋  
憶向固陵投筆日  
離亭對酌酒盈甌

三尺龍泉解伴人  
才如季子豈長貧  
河山好鍊吟詩膽  
風雨頻隨作客身  
樹擁暮雲征騎遠  
天低芳草驛樓春  
年來灑遍滄桑淚  
莫爲臨歧更溼巾

贈祝亞山高儀先生

方家杖履盡春風  
吾郡論才半寓公  
卻喜城西傾蓋處  
又看硯北賞心同  
兵銷著述天能忌  
境淡科名志未終  
憶向雲閒欽慕久  
登龍今始寫葵衷

生平問字有奇緣  
厭向淮陰學少年  
譽我能無知己感  
如公何止以詩傳  
中原征戰書仍讀  
先輩風流畫亦妍  
敢擬嘔心長吉句  
高軒兩駐敝廬前

春夜

玉漏聲殘罷詠詩  
愁來無計破情癡  
落花風雨懷人夢  
併在春宵欲短時

書齋卽事

鵬翮何從振海溟小齋養靜味清泠樹頭晴雪助窗白  
牆角爨煙拖雨青好友時來初試茗新詩寫就更談經  
中原戎馬倉皇甚卻笑封侯夢已醒

送友石師游楚南

芳草連天春色明先生又向湖湘行雨絲風片春欲晚  
腸斷春波南浦情憶昔從戎漢陽路雪立程門遂景慕  
戈馬叢中翰墨緣熱血滿腔淚如注半載依依返里門  
生平知己敢忘恩尺書貽我讀且駭師方臥病襄江濱  
策蹇冬宵再游楚剪燭談心舟泊渚歸來更入讀書幃



負笈路從夢中阻家山連歲走干戈敢望高軒下里過  
留得鴻濛詩草在相思無計日摩娑固陵烽火逼孤壘  
又看琴劍遊皖水征途來自南山南問渡潢溪偶然耳  
一笑停車數日留還從詩酒話風流東郊轉瞬鳴鞭去  
春樹蒼茫愁更愁爲料出山雲意倦南歸萬里難相見  
縱教杖履再追隨怕又滄桑多改變無端吟興助詩豪  
夢裏江山弔六朝西風瑟瑟布帆穩弋山重與解征袍  
息轍從容六閱月斗大書齋作詩窟午夜論文興未闌  
過眼春光太飄忽祇今歧路唱將離征騎流連步步遲  
年來屈指數離合造化小兒徒爾爲萍踪後會隨時有

秋色幽燕瞻馬首期訂竹深蓮淨時再把茅廬一杯酒  
天涯聚散本無常況復關山羽檄忙綠樹成陰花成雨  
驪歌三疊淚千行

春日卽事

又看庭柯綠意齊杜鵑花外鳥頻啼一簾細雨催春去  
閒倚吟窗補舊題

己未二月十六日廬州賊撲犯官亭諸營並陷李  
鶴人方伯死之驚悼之餘詩以哭焉

杜鵑啼血春苦寒黑夜東望烽火殷有客揮涕爲我言  
李公戰死沙場閒公乃卓然桑梓賢年少登第何翩翩

文壇飛將作宰官喜與戈馬相周旋粵西寇起勢蔓延  
諸軍方作壁上觀上書大吏氣無前自請擊賊走中原  
太翁陳臬守鄂垣城亡與亡無愧焉聞訃一慟撫龍泉  
縞素誓師怒冲冠收復雙城意自閒哭罷親屍血淚漣  
捷書飛奏五雲邊忠孝兩字天語傳賊至固陵攻且環  
援桴回救來鄉關解圍謁母悲喜兼父老餘魂悸倒懸  
乘勝東征戰血鮮淝津屢遇勁敵聯孤軍枵腹猶披堅  
忠肝磊落雙鬢斑糧艘絡繹淮水連日哺糜粥胡爲然  
全軍皆墨餓鳴喧回顧健兒不滿千殺賊力盡身遂顛  
將星歷世卅二年臣功未建臣忠全此語昭昭對帝天

罵賊睢陽齒嚼穿馬革原是男兒棺兩世殉節古所難  
百代聞風尚悲酸憶昔從戎羈漢川經濟文章覩真詮  
獻詩更許侍華筵獎掖後進意拳拳彈鋏秋風時變遷  
公竟騎箕去不還一死千秋重太山東南保障無人肩  
嗟爾蒼生殊可憐

送子坦遊楚北

噩夢驚回淚誤拋班荆又許話春郊

官亭之敗子坦  
陷賊中復逃出雞

窗別去誇投筆虎穴生還痛覆巢舊夢無忘勤學志窮  
途須耐世情嘲楚雲繚繞相思味何日詩篇更締交

卽景

樹頂雷聲送夕陽田家多少待栽秧天心憫旱尋常事  
也借風雲作勢忙

鄭秋浦師春闈獲雋志喜

城西別柳尙牽情轉瞬泥金豔挂名家乘至今傳諫草

令祖勉夫侍御著有直聲淵源何日步瑤京交游光寵身親受藻耀

文章價不平立雪因緣閒屈指三湘水闊一槎橫謂友石師

送子坦赴皖營

炎天瘴海更何之三度驪歌半載期去臘至今夢裏淚

揮姜被冷寰中路窄祖鞭遲青衫仗劍軍容靜黑夜飛

燐鼓角悲南望蒼花影繁盛太夫人居漢鎮藐躬鄭重正斯時

戲東曾子鶴

清才濃福孰堪同  
吟著新詩入繡櫳  
記否聚談春夜冷  
聯牀風雨一檠紅

偏作風檐退步思  
啼紅唾綠不嫌癡  
豪情畢竟輸君友  
文戰歸來始畫眉

偕小川叔赴汴應試

那有登科驗重歌  
行路難同車甘偈  
仄投店笑寒酸考  
具齋鹽備行裝筆硯安  
酒旗隔年別舊館足盤桓

過小商河謁楊將軍

再與廟

南宋勢日衰偏安貌垂拱  
金人狡且雄鐵騎中原壅立

馬圖自驕格天閣高聳桓桓楊將軍接戰不旋踵剽疾  
若風吹跳盪如水涌岳家軍益強拐子馬皆悚惜哉與  
尸歸萬嶽一身擁下獄岳侯亡游湖韓王恐天絕小朝  
廷先殲厥將種此地舊戰爭亡祠肖英勇過客肅拜儀  
土人指遺壘距廟數里有墓卽今寇縱橫關河咸震動安得起  
九原再播威名重殺魄而有知三百定距踊

客寓坐雨

矮屋重逢戰鬪時文章難仗寸心知不禁風雨催秋早  
何物科名到我遲良嶽荒涼頽片石汴河奔放束長陂  
詞場得失原無定且賦梁園弔古詩

汴垣貢院側鐵塔中秋夜然鐙試畢遙觀之

萬戶歡呼中秋節遙天高挂團圓月人間何物堪鬪奇  
一片鐙光霄漢接梁園古塔舊有名結構非甃亦非石  
千雲直上十三層是誰鑄此九州鐵去年我曾陟其巔  
黃河如帶環城堞今年又見此景奇燭龍蜿蜒閃交睫  
豈惟白地放光明五雲深處全照徹生平眼界幾鉅觀  
高瞻頗足俯一切納卷力疲怯再登歸檢闡藝二三策  
倘有光芒萬丈橫對此或堪詫雙絕

金廂鋪阻雨

鄆城小住歷三朝上蔡秋霖更四宵壯歲自憐游已倦



靜懷漸愛境無聊死生交誼推張范仕學源流慕漆雕  
地有范張雞黍臺阮籍同行清話久謂小窮途聽盡雨  
爲先賢漆雕故里川叔  
瀟瀟

雞黍臺

故人具雞黍坐待千里客衆咸疑其誣客果至其宅王  
爲范巨卿賓爲張元伯昔歲踐片言心不爲境格豈云  
矯飾情要是精誠積厥後素車來生死聯一脈橋下殉  
尾生日中期孫策古人信友朋關河總咫尺奈何薄俗  
移此誼未精覈雲雨手覆翻車笠心薰炙相愛棄如遺  
動稱遇所迫雨止一登臺先施須自責

重九過汝陽

細雨重陽又滿城  
小車還向汝南征  
夾溪樹密村無路  
拍岸風高浪有聲  
蕎麥平翻秋色碎  
棉花低墮晚煙輕  
劇憐躑躅泥塗日  
尙自耽吟句未成

至息縣新埠灣聞捷

馬上相逢話路歧  
登科名姓滿城知  
淩雲符願翻嫌蹶  
隔日還家尙覺疑  
世有劉蕡人共愧  
才推羅隱我無奇  
區區一第尋常甚  
喜在雙親未老時

至埠子口僱一羸馳歸

吉語先傳客未歸  
倚閭連日苦親闈  
青羸振策衝泥去

也似看花逸興飛

九月十五日到家

屈指還家已六回者番喜色動輿僮百年老屋懸金帖  
風氣先從一第開

雙親含笑問來遲轉念塵勞作慰詞事若求全何意趣  
不妨秋雨誤歸期

應酬賀客屢登堂正續鸞膠列洞房身帶桂花香乍到

又簪新菊賦催妝

次日親  
迎喜期

同人祝亞山陳徵紱曾子鶴李子坦周浚臣亮臣

昆仲均以花燭詞爲賀作此報之

畫眉筆帶桂花香

亞山贈句

裙屐聯翩翰墨場才子有情詞

豔麗寓公無事氣清狂影搖絳燭垂雙穗詩寫紅箋滿  
一囊東望固陵今夕月連珠星彩聚文昌

赴省膳親供遇李蘭蓀學使於許州事竣卽歸

文例相牽旅客愁翻欣道左識荊州與前數語憐寒士

省卻梁園賦遠遊

學使諭以卽日騰乾

還家遘疾

征客初入門喜值慈闈壽跪拜儀未成拘攣疾忽遘冬  
風刮地寒如鏃穿膚腠秋雨彌月陰如水浸穴竇氣體  
因恃強災沴迭入寇日久被侵陵沈疴來何驟足不良

於行腰亦竟難副或燂以藥湯或攻以鍼灸力微苦不  
達一身皆贅瘤慎疾惟聖人默省屢自疚年壯恥呻吟  
頽臥徹昏晝無恙仗此心虛靈常相守時復一苦哦不  
惜比花瘦下筆興未衰困獸猶能鬪

己未除夕

不堪病裏逢除夕况近中年百感生文未送窮詩未祭  
臥聽爆竹一聲聲

庚申春初公車將就道矣而寒疾久弗愈遂中止

自慰四律

公車欲駕又停征辜負長安花滿城壯不如人偏疾病

出而問世敢縱橫事當可喜憂先伏命果難爭意轉平  
文戰他年誰健甚愧無寶鼎鍊丹成

爐火頻煎藥味香東風習習晝微長不堪面目顰蘇季  
漸覺腰肢細沈郎文字本難醫厄運平安何日慰高堂  
從今覓得三年艾爲我消除二豎殃

萬斛愁同下第深病魔何事久相侵人因消瘦防春冷  
天遣偷閒學苦吟師友飛騰都捷足

江右周晴門師楚北萬遠村友人均

於去秋親朋慰藉總關心癡懷肯向名場淡手把殘編

自賞音

斗室棲遲兩月餘杜門竟日故人疏心如有悟常依枕

境太無聊且讀書白雪歌空高下里黃梁夢已覺蓬廬  
揮毫漫訴憂懷永料得蒼蒼未棄余

宗白翰臣兩兄同時入泮

又得襴衫兩吾宗運正長遭逢青眼易昆弟白眉良片

玉山標峻

宗白名  
列第一

遺珠海放光

翰臣補  
考獲雋

秀才憂樂志莫

僅抱詞章

夏日骸疾漸痊持杖以行自嘲

厄運沈疴萃在冬春殘閉戶尙龍鍾陽和漸覺秋心釋  
長養剛宜夏氣衝舊鬱胸懷三尺劍新添腳力一枝筇  
人生通塞無憑準靜室深潛半載蹤

題曾子鶴惜暉閣詩鈔

秋窗風雨別經年病起逢君喜欲顛詩好不關參苦句

情真翻恨誤良緣

指詩中意

客常彈鋏懷應壯師尚浮槎夢

未圓愁望湖湘烟水闊教人何處與傳箋

子鶴亦列友師門下

賀子鶴遊泮

坡仙島佛久同龕新著青衫味又諳泮水香薰人第一  
泥金帖寫月初三妻孥色喜花都豔文字禪深旨細參  
莫道工詩無達者霓裳高詠復何慚

送賀子芳母舅解組還天津

世事還如此英雄詎足論一官經萬里百戰著千言蠻



語參軍老邊聲幕府喧長安歸去好健翮脫塵樊

聞夷氛已至都門志憤

東南劫火徧山川白骨中原更刺天赤手正思扶社稷  
紅毛况復熾烽烟糧艘路梗軍何濟鼓角聲哀馬不前  
慟哭燕雲乾淨土那堪血照戰場鮮

羽書馳報萬人驚郭李終能復兩京事後難追和議誤  
陣前猶冀戰功爭勤王定有鴉軍勇建策誰甘虎穴行  
遠道傳聞頻北望盧溝風月景淒清

送陳徵紱之信陽

徧地鯨鯢擁白波君猶狂飲我高歌雪鴻過眼新文少

風鶴驚心噩夢多身世僅餘詞賦在滄桑更奈別離何  
聯牀記否春宵雨竟夕談詩遣睡魔

題任海梁詩冊

淮南風緊雁聲高淚灑河山首自搔我已悲秋甘縱酒  
君還倚醉喜揮毫塵寰可有埋憂地湖海誰爲結客豪  
歧路留題聊爾爾狂吟欲續楚臣騷

柬祝亞山

歲暮風兼雪蕭齋獨憶公琴書貧亦樂詩畫老逾工愛  
我真偏嗜論交最愜衷更憐槎泛客尺素斷飛鴻

偕吳煒臣丈方莒春茂才家昂軒小川兩叔泛舟

至雲臺山寺觀桃花

雨後花開春復春，大荒城拘束人。  
落紅成陣催春暮，塵海偷添白髮新。  
攜榼翩翩偕童冠，輕航載我來芳津。  
波影日光弄金碧，埽清心地舒勞筋。  
欸乃一聲得閒趣，磯拳白鷺如相親。  
麥浪青隨野樹遠，菜花香送和風薰。  
回頭城市十餘里，我儔已自謝風塵。  
兩岸桃花挽春住，笑客來遊遲浹旬。  
蓁蓁枝葉含幽意，疑是武陵別派真。  
谿聲漱玉泛花片，不信當年能避秦。  
棖觸春愁欲狂醉，船頭繚繞疊紅雲。  
叱犢田夫旁睨笑，相將輟鋤指點頻。  
登岸閒行犬吠客，僧雛迎語都欣欣。  
禪寮煮茗眺春野，

尊酒清談剛半曛  
閨黎好事乞詩句  
流連臺殿暮鐘聞  
千百年後仙佛劫  
料知碧紗迹易陳  
天銜暝色微風動  
歸棹緩將綠波分  
倚坐簫簫且高詠  
興酣時復叩船脣  
滄海桑田長已矣  
蘭亭赤壁兩無因  
此遊休閒樂何極  
已是桃源自在身

小川叔齋中建蘭盛開

幾箭含苞綻淡黃  
一盆隔水護幽香  
素心亦解酬知己  
時送春風到畫堂

李子坦以奇女傳刊本見示再作長歌

襄河岸邊木葉凋  
鸚鵡洲外啼悲鴉  
憶曾細柳橐吟毫

讀奇女傳淚點飄南陽有女女中豪忍看羣醜平原鬻  
秣我馬兮礪我刀辭家萬里擁羽旄上謁軍門賦同袍  
男兒裝束劍挂腰兵書萬卷讀垂髫周易傳祕學九超  
諏吉刻日戰荒郊敗走千軍恣訕嘲旌旗遶令色未調  
兵機轉瞬誤爾曹發憤挺身展六韜不破堅城恨不消  
月慘雲愁風怒號靖掃賊氛期崇朝躬擐甲胄走春宵  
從軍退縮手屢招奇功待建西門橋誓將凱歌奏鼓鐃  
悍賊巡營警斗刁鐵騎迸出綏已交弱軀血戰恥遁逃  
粉黛頭顱容易拋大帥掩淚奏之

朝建祠作誄芳名標倘任鬚眉戰伐勞報國何減霍嫖

姚漢濱環珮聲如敲水葉風花影蕭條那及忠勇節孝  
志氣高馨香百代肅金嫺吁嗟平余亦從戎羈江皋有  
兄同役儼同胞兄歸侍母形忽銷秋深戰壘夢迢迢人  
生生死隨所遭幸爲泰山不幸爲鵠毛空江日落幾號  
咷豈止紅顏委翠濤中州居里同族哀鄉誼親情兩昭  
昭欲賽靈祠作歌謠已曲愧難繼楚騷

感懷

烽烟慘淡雨風稠蒼莽詩懷易感秋讀史無端增血性  
傷時有淚注心頭名經未暇供千佛錯鐵誰曾鑄九州  
學劍不成書又廢依然含笑看吳鉤

晤陳澨農

孤懷何自問蒼冥師友多從虎口經殘局寄身矛淅米  
故人聚首水飄萍談兵有恨空浮白傳世無名愧殺青  
指點城南與君約舊時觴詠味清冷

留別寸園爲杏逸老人作

白骨刺天燐火綠秋風啼鬼聲相續灌園老叟何許人  
閱盡滄桑不敢哭種竹蒔花風致殊天荆地棘難埽除  
賣藥得錢沽酒醉帷鐙夜雨注孫吳窮愁著書更悲壯  
橫渡斜陽足惆悵頽上霸才去不還淮南招隱屹相向  
憶我軍門挾策行憤懷時戛吳鉤鳴歸來轉愛寸園好

拳石勺水都有情何意家山震鼙鼓雙城孤注作豪賭  
雪香雲煖安樂窩連歲也隨劫灰舞狂生感此時相過  
酒酣血淚湧滂沱臥龍賴爾草廬在屠狗愁余燕市歌  
祇今歲暮將離別吟毫墨灑天山雪秋霜衰草雁聲高  
爭怪臨歧心鬱結贈君還自歎飄蓬命葉愁山感慨同  
園中松樹舊相識時咽濤聲添冷風

吳煒臣丈卽寓齋檐下支板爲客座顏曰磨兜鍪  
室作詩見示和原韻四首

白駒日月隙中過邇迹塵寰鏡自磨太史空成游俠傳  
漢皇猶作大風歌山林落拓生涯拙湖海飄零恨事多



千古霸才勞悵望烏江東去咽流波

槩澗幽居矢弗過應知壯志未銷磨青山荷鋪吟兼醉  
滄海浮槎哭當歌劍室夜深龍嘯冷琴牀秋靜雁聲多  
近年懷抱清狂甚立馬潢津感逝波

弱齡深悔浪遊過千里從戎墨盾磨極目江淮疎舊雨  
寄蹤燕趙例悲歌廣居誰把寒人庇名士從來寓客多  
相看晚成終遂願銅琶休再唱回波

敝廬風雨幾經過深服奇才耐折磨盡散黃金猶作樂  
相思紅豆慣聞歌蠹藏萬卷頭顱老鯨吸孤尊血淚多  
何日誅茅許偕隱桃源還恐有風波

用前韻再贈煒臣丈卽以志別

斗室蕭森塞雁過客途一劍十年磨青山夢斷秋沽酒  
黃葉聲稠夜聽歌塵劫悟將花月冷吟懷耐盡雨風多  
追隨杖履儂還慣偏又銷魂賦綠波

高齋寂寞夕陽過熱血填胸自盪磨結客更無漂母飯  
遺愁空有雪兒歌名耽詞賦豪情減境歷滄桑酒債多  
莫怪臨歧頻惜別鯨鯢何日靖淮波

呈外舅黃新甫先生

銘先

汾陽福澤謫仙才都向商山毓秀來楚嶺巴江三領郡  
星軺藻鑑一搜材

公典試山西由御史  
出守岳州長沙夔州

暇傳家學芝蘭

種舊著聲名御史臺自笑形容如碧鶴館甥爲我拂塵埃

遊地藏庵

城南久不到寺影夕陽西劫火愁仙佛吟懷證雪泥鐘  
催塵夢冷樹擁野天低蘿逕還歸去無煩笑虎溪

仿潛齋詩鈔卷四

公車集

光州 李嘉樂 憲之

壬戌元旦

珠聯璧合瑞光照同治初元啟

聖朝執法郭鄰嚴七乘敷文虞陞化三苗商情翻愛梯  
航集農器行看劍戟銷欲獻中興時務策愧無一得及  
芻蕘

初八日偕鶴仙叔方果齋赴都

歲首辭臣里人心嚮

帝都世方臻極盛客不耻爲儒岵岵瞻親健琴書伴客

孤絕裾溫嶠淚獨自灑庭隅

從軍不受賞依舊守林泉敢藉文章進聊增翰墨緣  
鯤遊長萬里鳥止忽三年頗愛長安路春風馬一鞭  
斗室困沈疴公車阻決科名心灰後熱書味病中多  
醫鶴經秋愈征驢祖道歌髫齡慣行役今又渡黃河  
汝潁郊多壘襄樊路幾程赴京宜北上避賊改南行  
放膽看山水冥心淡死生邗簫四千里辛苦記長征

時甫解嚴西門未啟轉至城南別家人口占

纔出門庭不自由遑從邊徼說封侯他年款段歸來日  
重作人間馬少游

晚宿光山縣易子貞宅

驛柳勒春痕停車落日昏結鄰蒞子國好客孟嘗門小  
縣城三版新交酒一樽首塗詩草就細與主人論

過界嶺

嶺分荊豫界亦足抵鴻溝歧路山根合寒泉石縫流民  
貧多販豕春及少閒牛足跡來凡幾生平數壯遊

至孝感小河司聞警

獨輪車向楚鄉征何事居民夜數驚捍患客慚無遠略  
奪人寇亦有先聲驪山誰舉烽相戲淝水羣疑草是兵  
盜賊未平天地窄豈惟蜀道詠難行

道中書所見

終年辛苦薄收禾  
瘠地謀生可奈何  
鹽價太昂淮岸遠  
芋田無隙楚山多  
魚苗細碎青吹沫  
燕麥荒蕪綠上坡  
孰與百年開樂利  
輶軒日望採風過

雲夢

未識西行路  
今朝轍迹新路稀  
騎馬客墟散賣魚人借  
釜烹鮮小提壺買醉頻  
胸吞雲夢否一飽慰勞薪

夜行

纔卸風帆歎逝波  
單車又去歷山阿  
帘飄野色春沽酒  
輪碾沙聲夜渡河  
驛柳有知憐客倦  
榜花無用賺人多

家書欲寄高堂曉孤客連宵未枕戈

過宜城縣

繞道連旬撥草萊開關曲避虎狼災  
路人不悟南轅北只說公車是楚材

襄陽懷古

雄鎮曾屯十萬師平分南北路交馳  
佳人獨解回文錦儒將方留墮淚碑  
四塞河山秦蜀障千秋戰守帝王資  
憐他葛嶺留權相圍已三年尚不知

樊城

昔年繁盛地聞聞漸蕭疏東道爭迎客  
南人亦換車上



多換馬車  
店寬檐繫馬江近市擔魚豺虎縱橫日邊防未可  
虛

### 新野早發

一月虛奔走依然近里門

自此至京路程與光州等前所行皆繞道地高瞻

北斗山盡露中原驛馬平沙卧林鴉落照翻花陂好風

景何處見文鴛

花陂是陰麗華故居聞水際多鴛鴦

### 光武故里

龍種深潛白水濱中興事業忽超倫雲臺諸將生同里  
星象中宵照故人舊起寒微諳吏事獨將謹厚保功臣  
他年諸葛扶餘運猶是南陽一脈神

裕州曉行

棘闌期限迫清曉問郵程遠景連秦嶺長途變楚聲春  
寒芳草短月墮大星明亦有關心事看雲驗晚晴

葉縣

烏化雙鳧去不還我隨塵網落人間本無仙骨難超俗  
便有官階亦覺頑痛飲預期燕市酒隱居空過鹿門山  
景差祠宇知何處詞賦千秋未可刪

潁上

賢人星聚與天通鉤黨爭高節義風只惜潁川名士氣  
甘將王佐事奸雄

許州卽事

行役許州野春晴客歡嬉忽地喧賊至逃難車紛馳道  
狹牛馬擁塵囂兒女悲或負擔器具遙望立如癡問賊  
在何方搖頭謝不知人走我亦走入寨且棲遲去歲鄰  
翁緩賊馬逐及之居者各太息行者敢猶疑努力奔城  
闕易車恐被羈兩輪駕四牡揚鞭去不辭同伴倏相失  
猶吝買車貲礮聲震百里清野法頗奇賊至無所掠兵  
合同其衰將帥囊底智勿效逍遙師我車行益遠驚魂  
尚不怡沽酒聊自慰村樹明朝曦

循川

不見瀏清水征輪過涓川  
萑苻遺愛湫芍藥美人憐  
好色春秋世除災上巳年  
惡氛猶未盡烽火夕陽天

公車集滎澤口舟子故遲其行予後至叱之遂先

渡河

橫舟卧看濁流渾豈有書生過孟賁我似伯珪聲最大  
黃河雖險氣能吞

彰德

相州驅馬度城闔燕趙南橫此要津河朔風驚游客夢  
太行雪鬱古時春歸鄉誰似韓忠獻結客空憐謝茂秦  
明日更經漳水北輪蹄常載苦吟身

磁州

去去磁州路風光客所欣  
密排城外柳低拂水中雲  
濠養魚千隊波喧鴨一羣  
江南好春景此處要平分

邯鄲題壁

邯鄲大賈邯鄲倡金錢  
磊落脂粉香趙北燕南互來往  
區區一縣名遠揚賈能竊國居奇貨  
倡善媚客倚門坐黃梁未熟忽公侯  
不及夢中人一箇神仙富貴總浮雲  
古今人物何紛紛賣漿屠狗有豪傑  
千秋爭憶平原君翩翩濁世佳公子  
墮馮亭計貪且鄙咸陽劍未到杜郵  
四十萬人一阮死吁嗟乎學步橋上起  
悲風吹冷橋下

東流水

黃梁夢鎮車中作

自古窮通各有緣  
癡人說夢總堪憐  
何如飽啣黃梁飯  
也不公侯也不仙

途中覆車

忽然覆轍警途中  
始信前車鑒未空  
無事不從平處險  
有才敢望困時通  
幸逢曲突焦頭客  
土人掀車出險  
幾作新豐折臂翁  
多少英賢終一蹶  
莫希捷徑效趨風

月夜與鶴仙叔方果齋飲酒

難得家鄉月  
迢迢共我來  
浮名身外物  
春夜掌中杯  
骨

肉緣長好年華去不回客窗車馬寂片刻少塵埃  
到處烽烟滯韶光倏已深遨遊吾輩事患難古人心脫  
險神彌斂關情過互箴微材何日就共載返山林

沙河縣

行人愛久晴沙路更思雨力竭聽鳴鞭轅駒不能語

曉行

大道車來衆鞦韆結伴行遠途齊馬力殘夢帶雞聲月  
墮愁歧路風寒覺五更然鐙銜尾進何事慣宵征

過清風店明月店戲作

清風明月本超塵村店稱名苦未真黃土壁開多妙句

乾坤佳氣屬詩人

絃歌歎

大絃切切小絃語  
鐙紅酒綠嬌歌起  
清音一曲侑三杯  
唱者得錢聽者喜  
我倚空牀靜夜聞  
飢寒聲伏歌聲裏  
兩行紅粉貌如花  
生長鄉村各有家  
只爲荒年不得飽  
鬻歌旅館作生涯  
初皺眉峯羞見客  
旋誇妝點梅花額  
留真面目能幾人  
何須苦向裙釵責  
裙釵亦復抱愁腸  
絃索聲停默自傷  
昨見官車載閨秀  
女兒身比粉花香  
同是天生儂避面  
宵深私向天公怨  
回想田舍首飛蓬  
家縱長貧身不賤  
客聽斯言爲愴神  
勸拋絃管離風塵



纔知歌舞場中女本是桑麻隊裏人

過正定府

十里縱橫堞斯城氣亦豪疆通井陘險山枕太行高佛

殿金身鉅

城有大佛寺未得觀

軍門鐵甲勞

郡設總兵

此時雄鎮暇珍

重呂虔刀

渡滹沱河

高岸風狂擁大波書生立馬望滹沱經營麥飯開王業  
崛起雲臺勝制科川澤匯流燕阨塞封疆交錯晉山河  
海帆歲轉東吳稻惜此畿南水利多

清苑

三輔開都會東風萬戶臨民強沿趙俗人語習京音  
筆輪雙鐵盤煢直一金征途春過半難遣客愁深

連日見題壁詩佳者甚多擬錄爲一冊

好句如珠到處攜隔年化作壁間泥才人自信知音少  
慣向牆隅暗處題

北河謁楊忠愍公祠

舉朝忘隱患孤憤小臣深延杖甘飛血家書苦用心  
諫章碑片石

祠中有諫草亭

靈氣樹千尋嗟我登堂晚徘徊夕照

沈

旅店遇雨檢途中所得詩

消遣塵勞百不宜  
耽吟到處有新詩  
此行倘遇荆高輩  
便是論交買醉時

荆楚狂奔燕趙歌  
試期後至恐蹉跎  
賊中辛苦長征路  
奈少終南捷徑何

盧溝橋

桑乾橋下水  
閱盡宦遊人世治  
雄關靜天高  
驛樹春景  
宜看曉月客已染京塵  
回首來時路  
遙遙過四句

答關吏

公車自信貨無私  
小駐征輪報爾知  
三寸毛錐三尺劍  
一肩行李一囊詩  
家傳紫氣酬關尹  
客少青銅助酒資

我未棄繻君擊柝相逢都不合時宜

二月二十二日抵都寓光州館

路遠幾難至今朝喜卸車叔居仍隔巷

館屆試期惟居應試者鶴仙叔

移隔巷際會堂室隘不成家調筆尖無墨開箱隙有沙下帷先

習靜未覺是京華

二十五日

保和殿覆試恭紀

聖王建元年題宣第一篇呈材

三殿地納卷

九重天有耀迴隆遇無遺附眾賢積薪慚後至僥倖孝

廉船

先是各直省舉人覆試於貢院

果齋以微恙未入場慰之

君家豔說方三拜便不登科亦雅材天怕嘔心爭一第  
特驅二豎此時來

春蠶食葉筆聲乾文戰容誰壁上觀一盞藥香人有喜

再游宦海定平安

君保知縣赴部候選

下第

愧我操觚藝未工年來深悔薄雕蟲夢還筆管才將盡  
花織機絲樣不同季子無聊須簡鍊君平何處卜窮通  
仰看退鷁飛空際那及鴻毛遇順風

送鶴仙叔歸里卽之官湖北

咫尺蓬萊阻奮飛  
阿咸同至不同歸  
慰親欲博泥金帖  
風雪長安靜掩扉

楚北烽烟溯舊游

丙辰冬隨叔赴漢陽

重來奉檄亦風流  
四傳印

綬光家乘氣節曾從末吏留

同寓公車南歸予與果齋獨留

壯遊客各展歸輪  
同住長安尚兩人  
憎命文章聊過夏  
辭家時節始逢春  
一庭樹影交新翠  
四壁車聲踏輶塵  
斗室下簾無箇事  
偶拈詩筆尚精神

詠庭中雙槐

槐遮矮屋萬枝橫抵得涼棚氣轉清葉互綠雲宜晝靜  
花飛黃雪不秋聲風光大好忘三伏露氣微涼到五更  
畢竟勞人天愛惜安排此處養詩情

贈胡鐵龕駕部

義質

大雅元音振吾鄉閒世英詩才參史筆經術掩書名腕  
底光經籍胸中富甲兵慚無春草句冰鑑爲持衡  
郎署耽朝隱暑齡讀

賜書河山懷磊落風月語消除家乘光能繼高情世孰  
如記過君里日心折卧龍廬

落葉

西風挾雨捲林昏黃葉聲喧黯客魂墮地獨含秋氣重  
棲枝時戀夕陽溫馬蹄踏踏山中路鴉影翻翻樹外村  
似爲飄蓬人寫照停車著意認霜痕

飽歷風霜百鍊餘春花比豔竟難如良材偶爾遭裁抑  
造物何嘗定翦除塵劫頓醒秋後夢平林每向月中疎  
漢南泣柳桓司馬爭怪攀條感故墟

寒砧催下洞庭波其奈江湖歲晚何本質自殊桃李脆  
空山靜耐雨風過殘紅堆積尤堪惜老翠遲留竟不多  
莫爲打窗增太息春光轉瞬換繁柯

綺窗幾日綠陰生淪落天涯別錦城炊爨儘堪供世用



飄零未可辭秋聲刪將繁縟歸空闊  
開盡炎涼見老成  
松柏蒼蒼後彫性有人願結歲寒盟

或代小伶以扇索詩爲賦長歌

燕臺月冷風嘯秋花事闌珊拾翠游座上識卿何窈窕  
鐙前戲謔酒邊愁亭亭玉樹臨風倚溷迹梨園雜悲喜  
青眼何來陌路逢深情直比桃花水曾是良家白璧姿  
塵海相看意態奇拍板一聲驚綺夢歌衫十載唱春詞  
麗容隨卻秋光瘦登場更顯瓊枝秀低頭含笑眉語柔  
花譜新編推領袖演出霓裳舞態輕珠喉脆和管絃聲  
夙緣竟少三生繫絕調真教四座傾髫齡別有深心處

勘透繁華到遲暮正是金迷紙醉時慈航急覓芙蓉渡  
花殘月缺本何常慧性生來早自量好夢驚醒青玉簾  
癡情懣佩紫羅囊韶光過眼春風拂舊事如雲太飄忽  
掃去紅塵境自佳脂粉何緣埋奇骨祇今風雨別離多  
黃葉林疎怕聽歌同是天涯漂泊恨相思紅豆奈愁何

夜坐

漸覺秋宵永閒庭斷俗氛茶香清不寐花氣靜方聞人  
伴孤高月天收點綴雲誰家燈火裏絃管正紛紛

三十生日

客中那復慶懸弧獨酌寒宵酒滿壺差喜琴書依日月

迴非萍梗泛江湖千秋重任誰堪寄一第微名竟可無  
弟妹今朝應憶我故鄉園坐說京都

中興事業閣圖麟三十登壇大有人斯世何須披褐老  
不才甘爲讀書貧滄桑局冷層層變臺省班高衮衮新  
中壽驚心將去半夜深看劍膽輪囷

少游河北與西江壯復從戎涉楚邦途債僅僅詩料富  
愁城翻受酒兵降年光逝水秋三日鐙火回風影一雙  
醉欲早眠愁不穩坐聽柝響送吟窗

果齋揀發奉天知縣詩以送行

同車涉險到瑤京君更游蹤十五程境過艱危增道力

性生和厚卜官聲超羣迴異遼東豕顧我難遷谷裏鶯  
樽酒臨歧休惜別看花還望返春明

與呂暄樵吏部

鍾三

同爨

料理齋鹽少此才喜君故里絜僮來共慚舉火晏平仲  
猶勝併糧羊角哀我得歡顏無菜色誰從焦尾辨桐材  
不須鄰壁偷光讀土銚猶溫隔夜煤

冬日無事偕暄樵赴蘇菊生

佩訓

曹鶴嶼

熾昌

兩

部郎寓中仿擊鉢催詩之戲

歲晚務益閒無事可爲樂吾鄉兩達官秀氣鍾崧嶽文  
推玉局豪詩繼建安作結社召諸賓游藝欣有託雅集

仿西園風流邁東閣矮人喜觀場邀伴徑入幕時值壇  
坵開聞鼓戰長勺兩題爲一聯彼此不附著始若運掉  
難用事苦束縛繼臻曲折深取材就繩削游戲必用心  
沈酣思鬥角同人各出奇耻遇王子弱冥搜想非非急  
就情躍躍靜夜意忘疲微吟鼻猶捉此事創者誰鉢終  
令非虐九日足消寒三餘不廢學

贈楊芸閣比部

繼祖

見君真恨晚拙宦不須豪自定觀書課偏辭抱牘勞身  
閒耽夜景性冷稱秋曹熟記鋤奸事談深興轉高

偕暄樵移寓地藏巷

何處超人境無端結佛緣持家僧更俗拔宅我如仙月  
冷經壇靜窗幽舉業專遙聞敲臘鼓消受太平年

雪中獨酌

半世羞因口腹忙食單未檢亦充腸滇茶微辣經薑製  
魯酒初甜借果香痛飲要非經世志加餐或是養生方  
秀才齋粥吾曾慣祿籍何須慕萬羊

除夕靜坐

爆竹聲中十萬家自憐子影落天涯未知明歲科名草  
私卜寒檠頃刻花萬里侯封增夢幻一年旅食飽風沙  
遲眠未肯拋今夜臘尾風光味更嘉

癸亥正月遊廠肆

列肆閒人少新春勝事多五都驚目眩百戲任肩摩求

貨詩書淡

衆多書賈

傾城士女過市聲風捲去聒耳又笙歌

喧樵同寓外爲張子駿太史

鴻遠

牛礪庵學正

瑄

適徐小亭孝廉

祥麟

復至戲拈姓氏牽合成詩

城北徐公何美麗人中呂布亦英豪賦才自昔推平子  
黨禍於今少太牢踪跡欣從都會聚性情都比古人高  
斗山重望諸公在獨我文章愧李翱

會試榜發獲雋

進士科原重名成亦偶然看花欣一日刻楮僅三年氣

斂揚眉際心酸束髮前王溪詩紀事詠到大羅天  
得失憑誰定詞場感慨深點頭清夜卷焦尾去年琴無  
可酬時望聊堪慰寸心雙親年漸老拭目盼泥金  
名盛實難副斯言處士羞身心三自反仕學兩非優佳  
境初嘗蔗神山未引舟紅箋新送喜名字忽風流  
豈少劉蕡輩高文榜未登竭才吾有愧中力爾何能通  
籍榮孤客應門快老僧風雲開萬里只覺羨飛鵬

改庶吉士

玉堂清祕靜無塵天祿儲才此最真鷲集翰林風骨健  
頗愁文采不如人



吾州新進士六人館選與分部者各半喜紀以詩  
斗大山城在憑空甲第高地靈遲發洩士氣慕英豪異  
日須求稱同年莫互褒故鄉矜盛事計候看宮袍

自刊闡藝書後

回首風檐起草時忽成刊本自尋思我慚馬骨金虛費  
人妬蛾眉樣入時不露文章松柏重略增聲價棗梨知  
著書較此多心血尚作當年覆瓿資

拜客

九衢塵土裏拜謁競紛華投刺避生客出門尋熟車清  
班猶累俗薄宦未成家待乞還鄉假柴關對水涯